

1617 29310

LETTRE DE
MONSIEUR LE
PRINCE,

A L A R O Y N E.

15 10

DC 123.2.C6 1614

1131

Ac. 94-454

LETTERE

MONSIEUR LE

PRINCE,

MADAME

MADAME, Toute mon affection a esté tousiours le seruice du Roy, & bien de cest estat. Ie l'ay tesmoigné du viuant du feu Roy par mon absence necessitée (& depuis sa mort) par mon prompt retour prest de sa Majesté; cellant les desplaisirs, que i'ay receus des desordres que l'on a veus assez frequents pour empescher les mouuemens desquels eust peu naistre la guerre que i'ay estimée si dangereuse & nuisible à la minorité du Roy, Monseigneur: que i'ay creü tous autres maux, plus tolerables. Si bien que par la grace de Dieu, vostre bonté, & ma patience, nous sommes en la quatriesme année de la minorité du Roy, dans laquelle nous recognoissons l'accroissement de si grandes confusions & pernicious desordres, que vostre susdicte bonté & nostre patience ne seroit assez forte pour empescher le bouleuersemēt & la ruine de cest estat: prolongée iusques icy par des foibles & honteux remedes, s'il n'estoit vertueusement & prudemment pourueu par l'aduis de plusieurs Princes, Seigneurs Ecclesiastiques, Officiers de la Couronne, & cours Souueraines.

Nous supplions treshumblement vostre Majesté d'y pouruoir de remedes salutaires, à l'acquiēt du deuoir à quoy & vous, & nous sommes obligez, à Dieu, au Roy, & à la France. Supplication tres iuste que nous eussions faite nous mesmes deuant vostre Majesté, n'eust esté que nous la voyons entournée & préoccupée de peu de gens qui veulent regner dedans la confusion, seuls cause de nostre depart, & non vostre Majesté, de laquelle scauons les

loüables intentions de tant plus remarquables que la verité vous a esté celée par ceux qui n'ont iustification que d'auoir maintenu vn peu de repos. Dans lequel ils nous ont tramé vn continuel trauail par les confusions & prodigalitez, ventes d'honneurs & de reputation, ou ils ont prostitué tous les ordres de ce Royaume, duquel ils auoient mesuré la durée de leur vie, sans se soucier de ce qui aduiendroit apres. Repos non prouenu de leur conduicte, ains des bons François, qui amateurs de paix ont souffert toutes maluersations, afflictions & charges, plustost que de susciter aucun trouble, non que tous ne vissent qu'ils circonoient vostre Majesté: parissant l'administration de ce florissant Estat entre petit nombre de personnes ayans pour tesmoins de leur foiblesse la perte de la reputation de la France es pays estrangers, & leurs desseins cachez qui en ce grand Estat qui ne souloit rien craindre, deuoient estre sceus & ouuerts; du moins aux Princes & Officiers de la Couronne, interessez en l'Estat, lesquels ils n'ont rendus participans des affaires qu'autant qu'il leur sembloit necessaire, pour auctoriser leurs deliberations, apportans leurs resolutions de leurs logis au Cabinet, & n'en faisant iamais conclure vne seule en vostre presence à la pluralité des voix. Mais les courans du maintien de l'auctorité de vostre Majesté, du Cabinet de laquelle ils sortoiēt pour en dire leurs arrests aux Princes, n'ayās receu leurs aduis que par maniere d'acquiesce, tendans à susciter des enuies & diuisions entr'eux, fauorisans les vns & reculans les autres, faisant deux parties pour en auoir l'vne à leur deuotion. Artifices esprouuez si

defastreux aux François, recommencez soudain apres le deceds du Roy, que Dieu absolue, rejetans les salutaires aduis de feu Monsieur de Mayenne, qu'il n'estoit iuste de profiter ou rançonner la minorité de nostre ieune Roy, qu'il ne falloit rien demander & servir ainsi que nous estions obligez naturellement: Mais au contraire, interessant plusieurs particuliers pour les auoir à leur deuotion. Ils ieterent l'Estat en des hazards tres dangereux, contre toutes formes vsitées aux minoritez des Roys, esquelles ont estez tousiours assemblez les Estats generaux si necessaires que les Roys les ont conuoquez en leurs majoritez pour beaucoup moindres desordres que ceux d'a present. Pleust à Dieu (Madame) qu'il m'eust cousté partie de mon sang, & que les eussiez assemblez incontinent apres le deceds du Roy, vous fussiez en plus; ou aussi iuste autorité au gré de l'Eglise, de la Noblesse, & du Tiers Estat, la France n'eust perdu ce genereux nom d'Arbitre de la Chrestienté, acquis si glorieusement par le deffunt Roy. Tiltre qui tenoit la balance des deux grandes factions de l'Europe, protegeant la tranquillité publique: & ceste perte est d'autant plus grande & deplorable, qu'il semble que nous soyons sortis du chemin que le feu Roy nous auoit tracé. On n'eust pas razé la Citadelle de Bourg contre l'aduis des Princes & Officiers de la Couronne, mesme de monsieur le Connestable. On n'eust pas donné quatre cens mil liures, tant pour le razemēt que pour la recompense d'icelle. On n'eust pas precipité le mariage du Roy, de Mesdames ses sœurs, auant que la loy de Dieu, & tous les Ordres, la ma-

iorité du Roy approchant l'eussent approuué. Ces
 mariages eussent declarez au public, non par la le-
 cture d'un escript contenant les raisons qu'on auoit
 eues de le haster : mais en demandant aduis s'ils e-
 stoient vtils à faire : Les Parlemens n'eussent esté
 empeschez en la libre functiõ de leurs charges. Les
 Gouverneurs des Prouinces & places importantes
 n'eussent esté données aux personnes indignes &
 incapables. On eust tasché à reünir les Ecclesiasti-
 ques & la Sorbonne, non à les diuiser & opprimer
 par vaines disputes inutiles en ce temps. L'auctori-
 té des Prelats & Ecclesiastiques n'eust esté violée, ains
 maintenüe en son entier. On n'eust donné aucune
 charge, ny par faueur, ny par argent, l'aduis en eust
 esté demandé aux Princes & Officiers de la Courõ-
 ne, pour par vostre Majesté estre apres conféré à
 gens capables. Les Ambassadeurs n'eussent esté
 choisis que par le mesme aduis, leurs inclinations
 n'eussent esté incogneuës à tous ceux qui ont in-
 terest au bien de l'Estat : Nulle despesche n'eust
 esté receüe, sans estre veüe & leüe en presence des
 dessusdits ; On n'eust point souffert les entreprises
 faictes sur la Nauarre, & le Mont-ferrat, ny em-
 pesché le renouvellement de la Ligue entre les Ven-
 nissiens, & les Grisons tant approuée & desirée par
 le feu Roy, avec Monsieur de Sauoye, sans meure
 deliberation ; & pour vne entiere obseruation des
 Edits de ceux de la Religion pretendüe refformée
 on leur eust osté tout subiect de plainte ; On eust
 reprimé ceux d'entr'eux, qui eussent passé les limites
 de leur deuoir, on n'eust semé entr'eux des di-
 uisions, qui leur faisant songer à leur particulier,

ont failly a iecter le public & l'estat en peril , on n'eust donné trois cens mil liures pour l'achapt d'Amboise, payant de l'argent du Roy les places de sa Majesté, on eust retranché tant de dons immenses à personnes indignes, le peu de personnes ne se feust attribué les principales dignitez de l'Estat, sans l'aduis d'aucun Prince, ny des Officiers susdicts : Les Estats ou le Conseil vous eussent releuez de tant d'importunité, se chargeant de l'enue, & vous de benedictions.

Vostre Majesté considerera, s'il luy plaist, les desordres susdits ; & les suiuan, & par iceux iugera la necessité d'assembler les Estats generaux leurs & libres, le chastiment des meschans, & la recompence des bons (soustien des Monarchies bien ordonnées) estant peruertis, donnent assez à cognoistre le danger de ce Royaume. Tous les offices de iudicature, & des finances sont montez à prix excessifs, il ne reste plus de recompence pour la vertu. Puisque la faueur, l'alliance, la parenté & l'argent ont tout pouuoir, & que les finances sont de telle façon profuses, que les cent mil pistolles ne coustent rien, mesmes sont employées en choses de neant, à gens qui s'enrichissent sans trauail du sang du peuple, Les plaintes, clameurs & larmes des trois Estats, couuent en leur cœur vn feu caché, l'Eglise n'a plus sa splendeur : nul Ecclesiastique n'est plus employé aux ambassades ; & n'a plus son rang au Conseil, les beneficiers sont surchargez de vexations & charges iniustes, la Noblesse est appauurie & ruynée par tailles & impositions du sel ; par commissions extraordinaires pour auoir de l'argent, toutes leurs

denrées sont doanées, tous leurs tiltres sont recher-
chez bien que perdus & bruslez; la Noblesse sou-
tient de la France, terreur des estrangers, maistres-
se de la campagne & vaincresse des batailles, qui
reestablit les Sceptres, & releue les Couronnes, est
maintenant taillée, bannie des offices de iudicatu-
re & finances, faute d'argent, leur vie & leurs biens
en puissance d'autrui priuée de la paye des hom-
mes d'armes & archers anciennement entretenus, &
maintenant esclaves de leurs creanciers, le peuple
lamente les charges qu'on trouuerra redoublées
par vne quantité de commissions extrardinaires de-
puis la mort du feu Roy: Il faut que tout tombe
sur les pauures, pour les gages des riches; Les Prin-
ces & Officiers de la Couronne, auxquels le feu Roy
auoit toute fiance, ont esté esloignez, & maltraitez.
On merend presque par les discours qui courent,
& tous les Princes & officiers de la Couronne qui
me font l'honneur de conuenir auecmoy, en mesme
aduis, comme perturbateurs du repos public. On
tient Conseil d'arrester les Princes & officiers de la
Couronne, bien que sans crime ce qui paroist auoir
esté deliberé contre la personne de Monsieur de
Bouillon, & le refus fait à Monsieur de Longue-
uille d'aller exercer sa charge en son gouuernement,
monstre assez la continuation de leur violence, &
ce qui a esté executé en la personne de Monsieur de
Vendosme, lequel sans considerer ce qu'il est au
Roy, l'amitié particuliere, que le feu Roy luy por-
toit, non accusé, exempt de tous crimes, sans au-
cune forme de Iustice, sans aduis d'aucun grand de
ce Royaume, on a retenu prisonnier: Cela est in-

vſité en France , ſingulièrement , durant la minorité du Roy , ce que nous croyons n'auoir eſté faiſt par aucun mauuais naturel de voſtre Maieſté , ny deſir de faire iniuſtice:ceſt pourquoy,nous ſupplions tres-humblement vouloir le faire deliurer, afin qu'é continuant à bien ſeruir le Roy & l'Eſtat , il luy monſtre par bons effects,cōme il a fait, iuſques icy n'auoir eu iamais aucune mauuiſe intention contre ſon ſeruiſe : On veut perſuader à voſtre Maieſté de ſ'armer , on prend pour pretexte noſtre abſence.

Conſiderez , Madame, que nous procedons par tres-humbles requestes , ſupplications & remontrances , & non à main armée , & quelles maledictions la France donnera à ceux qui troublans le repos de cet Eſtat & tranquillité , acquiſe par la vertu du feu Roy , mettront les premiers les armes à la main : Toute la France ne reſpire que la paix , & vne paiſible&iuſte reſſormation de cēt Eſtat vous, ſera-il donc dict (Madame) que les mauuais Conſeils- qu'on vous donne , vous portent à emprisonner les preſens & à armer contre les abſens , qui procurent vne ſaincte reſſormation, & ſont ſi fidelles ſeruiteurs du Roy , de vōus & de l'Eſtat , vous donnant par ce moyen vn ſi ample ſubieſt de gloire.

Cōſiderez ma lettre (Madame) & vous ny trouuez rien de nos intereſtz particuliers , ny à nos intentions preſentes ny à l'aduenir : vous ne pouuez trouver mauuais , ſi pluſieurs vous ſupplient d'vne meſme choſe , & tous le deſirent : Obligez par leur deuoir , & par l'amitié qu'ils ont contractée par voſtre commencement pour pouruoir à tous les ac-

eidens cy dessus representez.

Ie supplie tres-humblement vostre Majesté, de l'aduis de plusieurs Princes, Ducs, Pairs & Officiers de la Couronne, Cours Souueraines, Ecclesiastiques, & autres Seigneurs, tant presans qu'absens, qui ont veu & approuué la presente supplicatiõ, d'accorder l'assemblée des Estats generaux libres & leurs dāstois mois au plus tard: & ce pendant retenir toutes les choses en estat pacifique, protestant de nostre part, que nous n'auons desir que pour la conseruation de la paix & bien de cet Estat, & que nous n'attenterons au contraire, si par vne precipitée resolution de nos ennemis, qui se couurent du manteau de l'Estat sous vostre auctorité, nous ne sommes prouocquez a repousser leurs injures faites au Roy, & à l'Estat, par vne naturelle, iuste & necessaire deffence.

Supplications tres-humble, que ie fais en qualité de premier Prince du sang, en l'Estat que ie suis, & sans armes, non ainsi que ceux qui pour profiter de telles assemblées faisoient des villes, armoient le peuple, & des estrangers, & faisoient guerre & paix à leur profit pour vne lieutenance generale, gouvernement des Prouinces & des places, puis aydoient à éluder l'assemblée, sans se soucier de la reformatiõ publique.

Nous supplions aussi treshumblement vostre Majesté suspendre l'exécution du mariage tant du Roy, que de Meisdames ses Sœurs, iusques à l'assemblée desdits Estats; Et pour monstrier que nostre particulier n'a nul pouuoir sur nous, Nous remettons au Roy en l'assemblée desdits Estats libres & leurs si

la nécessité de ses affaires le requiert toutes nos pensions & gratifications contre les calomnies de ceux qui nous accusent qu'il n'y alloit que de nostre particulier, que nous preferons au public, Médifiance de ceux qu'on dit aymer mieux mettre le feu au milieu de ce Royaume, que de voir leur autorité esteinte, Autorité pernicieuse qui sera renuersee par nostre iuste & bon Roy. Auquel nous supplions tres-humblement vostre Maiesté vouloir faire donner bonne instruction, & de luy oster les conseils de toute partialitez qui luy sont donnez contre ceux qui ont l'honneur d'estre ses plus proches suiets & seruiteurs, & pour son contentement r'appeler le Cheualier de Vandosme tenir pres de la Maiesté pour le soin de sa santé personne vie de religion & probité requise & cogneue.

Nous supplions aussi vostre Maiesté vouloir pourvoir aux gouverneurs des frontieres de deniers suffisans pour vacquer à la conseruation des places qu'ils ont en garde, Nous recognoissons nostre Roy nous estre donné de Dieu, nous scauons l'obeissance que nous luy deuons, & n'y manquerons d'un seul point, Nous esperons aussi que tous les Princes & officiers de la Couronne, Cours souveraines Ecclesiastiques & Seigneurs qui sont prests de vostre Maiesté se joindront à nostre mesme desir, & auront tous ensemble préparé à vostre Maiesté, le chemin, l'honneur, & la gloire d'auoir restabli tous les ordres de ce Royaume en leur premiere splendeur & liberté, réformé ce Royaume & r'asseuré leur repos avec autant de los que si vous en auiez acquis un autre; Respondans genereusement à ceux qui di-

sent les Estats diminuer l'autorité du Roy; que vous l'aurez r'affermi & rendu perdurable, Nous vous voulons servir & assister ausdits Estats ainſi qu'il ſera recogneu vtile au ſervice du Roy à la France, & à la conſervation de l'autorité Royale, & de celle de voſtre Maieſté eſtans ſes treſhumbles ſerviteurs, & en particulier ie la ſupplie treſ-humblement de croire que ie ſuis

MADAME,

Votre treſ-humble & treſ-obeyſſant ſerviteur & ſubiet **HENRY**

DE BOVRBON.

De Meſieres le 18.

Februar, 1614.

Lettre de Monsieur le Prince, au Parlement de

Paris, présentée par le ſieur de Fieſbrum, le

22. Fevrier 1614,

MEſſieurs ie ſçay que l'on preuiendra mes iuſtes intentions de beaucoup de calomnies & faux bruits to^u cōtraires (ie m'aſſeure) à l'opiniō que vous en prendrez commẽm' ayāt auſſi practiqué & recogneu que craignant d'altérer quelque choſe par mes reſolutions que i'ay eües au ſervice du Roy & bien de l'eſtat, i'ay retēu mes iuſtes reſſentimens & les ay comme enſeuelis par ma patience: Mais encores vous en ve ux ie mieux eſclaircir, & rendre comme compte de mes actions, à vous di-je que ie reconnois eſtre la principale rutrice de ceſt eſtat. C'eſt

pourquoy ie vo' enuoye la coppie de lettrea que i'escris a la Royne, par ou i'expose entierement les saintes affections qui m'ont meu a me retirer de la Cour pour ne cōmuniquer ny adherer aux abus qui si commettent par ceux qui manient & disposent des affaires du Roy & de l'estat, en demandant la reformation avec tres - iuste supplication à la Royne, luy en proposant le remede & requerant cōme premier Prince du sang suiet du Roy, & qui a le principal interest au bien du seruice de sa Maiesté. N'ayant pour toutes armes que mes tres-humbles prieres à sa Maiesté, comme vous le verrez par la coppie que ie vous enuoye. vous suppliant humblement, Messieurs de nous assister de vos conseils & autoritez en vne si louable & raisonnable entreprise, comme les plus cōsiderables au seruice du Roy & reformation de l'Estat, Ce faisant vous vous acquicterez du deu de vos charges & acquerrez gloire & reputation, demeurant

Messieurs,

Vostre tres-humble & tres affectionné seruiteur.

*Lettre de monsieur le Prince, à monsieur
le Prince de Comty.*

MONSIEVR, Je ne scaurois assez regretter, que vostre santé soit vn iuste empeschement à ne vous voir selon vostre courage affectionné au seruice du Roy, par vostre Prince, à ce qui est de nos Scincerres intentions, dont par l'enuoy de ce Gentil-homme & coppie de la lettre que i'escris à la Royne. Vous cognoistrez la verité. Je vous supplie donc (comme estant du sang Royal) comme proche du Roy, interessé à l'Estat, & mon seul oncle seconder, ou vostre indisposition vous retient, nos iustes dessains, tendant sans armes à la reformation de l'Estat. Surquoy l'on arme non pour sauuer l'Estat: Mais pour conseruer l'ambition de ceux qui sont causes de ses desordres. Aydez aussi, ie vous supplie par vostre courageuse intercession, à la deliurance de Monsieur de Vandosme, & à la correction des desordres, par vne assemblée d'Estat, Que ie requiers à sa Maiesté. A quoy ie vous supplie vous ioindre, Vous suppliant me tenir à iamais.

Monsieur,

Vostre bien-humble Nepueu & seruiteur,
HENRY DE BOURBON.

de Mezieres ce Feburier 1614.

Lettre de Monsieur de Nevers à la Roync.

MADAME,

M'ay desia donné aduis à vostre Maiesté de la rebellion qui auoit esté faicte contre l'autorité du Roy, par ceux de la Citadelle de ceste ville: Maintenant ie luy donne celuy de l'obeyssance que ie luy ay faict rendre estans sortis & me l'ayant remise entre les mains: A la seureté de laquelle i'ay pourueu, pour y estre vostre Maiesté obey, ainsi qu'elle le peut esperer de moy, estimant qu'elle mettra en consideration la desobeyssance qui m'a esté réduë par le Marquis de la Vieuille, en la charge qu'il a pleu au Royme donner en ceste Prouince. Cest exemple pouuant tirer vne consequence commune, & generale à tous les Gouverneurs de ce Royaume. Je supplie tres-humblement vostre Maiesté, Madame, en vouloir commander la Iustice telle que vous l'estimerez necessaire pour garder l'autorité du Roy, & en laquelle ie puisse trouuer le contentement que vostre Maiesté mesme iugera raisonnable, veu que ceste ville est soubs ma charge, & à moy qui rend mon ressentiment d'autant plus considerable: A quoy ie supplie vostre Maiesté d'auoir esgard, & de croire que ie suis,

Vostre tres-humble & tres-obeyssant seruiteur
& subiect, NEVERS.

De Mezieres, ce 19. Feurier, 1614.

THE HISTORY OF THE

REIGN OF

CHARLES THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724

Printed by J. Sturges, in the Strand

1724